


Factum.

*Pour Guillaume Baradat Escuyer gentilhomme seruant la Royne ,
demandeur pour la succession de deffunct Gaston de Podenas cou-
sin germain de sa mere & incidemment en crimes & excès mon-
sieur le Procureur General ioinct à luy.*

*Contre Iean de Bouzet dict Rocquepine , & François de Caubios
sa femme defendeurs.*

EN ce proces ciuil cōme maistre Guillaume Marches Huissier audiencier au siege presi-
dial de Condom fust allé au chasteau de Po-
denas domicile des deffendeurs, & la cust
adiourné ladiete Caubios en vertu du com-
mittimus du demâdeur, & s'en retournant avec ses recors
il auroit esté suiuy par ledit Bouzet luy troisieme masquez
& mōtez sur des cheuaux despaigne, & à deux iects d'arcz
auroit esté attrapé par eux, qui aussi tost auroient crié tue
& puis crié audict Marches en iurant & blasphemant
rans ran la commission & exploicts que tu as faict contre
Madamoiselle de Podenas & approchant luy auroient
baillé vn grand coup despee sur la teste à playe ouuerte
& rué plusieurs autres coups de l'vn desquels ils luy au-
roient percé la manche, & luy auroient ostez ladiete cō-
mission & exploicts, & se seroient retirez dans ledict cha-
steau de Podenas.

En ce mesme procez ciuil le demandeur auroit faict cō-
mancer son enqueste, & entre autres tesmoins oyr en i-
celle Felix Coste reformateur des chemins du pays de
Comdommois & Agenois, dequoy aduertis les defen-
deurs auroient espie & faict espier ledict Coste pour le
tuer, & voyant qu'il en ~~estait~~ aduerty, se tenoit sur ses



gardes, l'auroient enuoyé querir iusques dans ladicte ville de Comdom à faulces enseignes par vn homme supposé complice dudiect Bouzet nommé le Rousseau, qui le pria de la part des habitans de Villencufue petite villette, distante de deux lieuës dudiect Comdom, pour veoir quelque chemins que le faux messager disoit estre besoing de refaire.

Ce pendant lediect Bouzet & ses complices attendoient lediect Coste dans vn petit bois par lequel il luy faillloit passer, ou le voyant arriué se seroient ruez sur luy, iurant & disant qu'ils luy apprendroient bien à tesmoigner contre les Gentilshômes, & qu'il eust à leur dire qui estoient les autres que lediect demandeur vouloit faire ouyr contre ladicte Damoysselle de Podenas autrement qu'il pensast demourir & luy auroient donné iusques à vnze coups depees & le pensant auoir tué prindrent son espee son manteau & son chapeau, & avec celà se retirèrent audiect chasteau de Podenas tellement qu'il s'ensuit deux crimes assassinat & vol.

Lediect Bouzet qui pensoit l'auoir tué & consequemment que iamais on n'en d'eust parler, se sentit estonné quand il ouit dire qu'il viuoit & auoit faict contte luy sa plainte en iustice l'auroit tant faict intimider sy long téps le menassant que aussi bien le tueroient-ils tost ou tard. Et pratiquer par promesses, que ce pauvre homme se seroit laissé aller à faire vne declaration pardeuant Notaires telle & ainsi que l'auoit voulu dresser vn nommé Esclache Conseil & procureur dudiect Bouzet, au siege presidial de Comdom, laquelle contenoit que ce n'auoit pas esté lediect Bouzet qui auoit frappé lediect Coste ny vn nommé Gaston Rousseau son seruiteur domestique.

Mais quelques autres lesquels il ne nomme poinct cōme aussi n'eust il sceu par ce que ce n'auoit esté autre que ledit Bouzet & ses complices, & si c'eust esté quelque autre, lediect Coste & Marches n'eussent pas failly à le poursuivre.

Moyennant ceste declaration ledict Bouzet auroit promis payer le barbier & l'appotiquaire qui fourniroit les drogues, & de fait ledit appotiquaire en à encores la promesse originale faite par ledict Bouzet ses freres & sadite femme par escrit, & bailler autres choses audit Coste pour son interest particulier: & depuis l'instance pendante au conseil & les arrests donnez par lesquels est ordonné que lesdicts tesmoins luy seroient confrontes.

Ledit Bouzet pensant estre bien asseuré pour ceste faulse declaration & par luy extorquee l'auroit fait lire en iugement au conseil, & de laquelle se seroit voulu preualloir lors que le conseil ordonna qu'il passeroit le guicher.

Mais ledict Coste ayant depuis pensé à luy & sentant sa conscience chargée de ceste faulse declaration, auroit icelle reuokee en plain iugement au siege presidial de Comdom, & declare la verité telle qu'elle estoit que ledit Bouzet & les siens l'auoient ainsi acoustré Auroit encores déclaré les menasses dont l'on auoit vü enuers luy de la part dudit Bouzet. Et mesmes que Bernard de Bouzet son frere l'auroit menassé de le tuer quelque part qu'ils le trouuaist allant ou venant à l'exercice de son estat, mesmes au cas qu'il vint au conseil ou ailleurs pour estre recollé & confronté.

Cest pour cela en partie que personne n'oze deposter la verité du fait du demandeur, & encores que lesdits marches & Coste n'ont osé venir audit Conseil pour estre recollez & confrontez. Combien que ledit demandeur leur ayt fait presenter sur le lieu argent a decouuert & cheuaux: mesmes ait baillé actuellement de l'argent. Ioinct que ledict Marches a eu encore vng coup d'espee qui luy a trauerse la cuisse, en faisant depuis des exploicts de iustice. De façon que ayant veu vn nommé le Sage intimé amy dudit Bouzet, que ledict huissier n'auoit eu raison ny poursuiuy les excès a luy faits en faisant les exploicts contre ledict Bouzet il luy auroit donné vn coup

d'espee qui lui auroit perse la cuisse. Qui fait qu'en Guiëne on n'oseroit quasi faire vn exploit de iustice s'as estre blessé ou tué, chose de punition exemplaire, Et encor de present sortir de sa maison a cause des guerres. Qui a esté cause aussi que ledict Coste n'est pas venu. Ioinct son vieil cage & blessures. Toutesfois & pour obeir a iustice se seroit mis en chemin & a esté cōstitué prisonnier.

Mais ledit Marches & luy ont faict tant de declarations & en iustice de la verité telle que la maintient le demandeur, qu'il n'y a occasion de douter: mesmes que le fils dudit Coste ayant charge de son pere la depuis ainsi soustenu au Conseil tant pour sondict pere que pour luy.

Ledit du Bouzet estant interrogé suyuant l'arrest donné par le conseil contradictoire par lequel fust ordonné qu'il passeroit le guichet & auquel. Le proces auroit esté faict, auroit allegué quelques faicts iustificatifs & de reproches que ledict conseil par son arrest auroit ordonné estre extrais contre les deux tesmoins a luy confrontez sur les excès faicts enuers ledict Marches huissier, & sur iceux tesmoins estre nommez par ledict Bouzet. Pour en estre informé d'office Et cōsigneroit vingt escuz au greffe dudit conseil. Saufz a plus ordonner.

Et au lieu d'obeir a c'est arrest & proceder selon la forme & faire faire ladicte enqueste d'office par le ministere du substitut de Monsieur le Procureur general, ledict bouzet auroit luy mesmes pris les faicts & commission au greffe, les auroit enuoyez par Odet Crachet mesfager ordinaire de Comdom tesmoing ouy a la requeste dudit bouzet enuoyé ie dis a Maistre Vidal Dubuis son procureur audit Comdom. Ledit procureur auroit présenté lesdits faicts & commission a Maistre Jean du Bourdieu Conseiller du siege presidial audit lieu, & ainsi le iustifie le proces verbal dudit Commissaire faict sur l'enqueste obiectiue. Auroit ledict Dubuis prins attache, faict adiourner les tesmoins a la requeste dudit Bouzet,

auroit ledit procureur presente & produit cinq tesmoins plus que ledi& du Bouzet n'a nômé pour la preuue de ses reproches. Ledit cômmissaire les auroit receuz de sa main. Les auroit interrogés sur les chquestes a luy bailles par ledit Dubuis Procureur. N'auroit prins aucun adioinct ny aucû Greffier ou clerc de Greffe. Mesmes n'auroit pas pris son clerc de lui mesmes, mais receu vn ieune garson nômé chapon qui luy auroit esté baillé par ledi& Dubuis sans auoir faict aucun serment.

Ledi& ieune garson fils du solliciteur dudi& du Bouzet & son frere auroit prins ladi&te enqueste obie&tiue, & laquelle il auroit enuoyée audi& Bouzet a la suite dudi& Cōseil, ainsi qu'il est porté par l'ettiquette adressante audi& Bouzet auquel mesmes il est mandé par ledi& Chapon sur ladi&te estiquette escripte de sa propre main de retirer du sac certaines pieces qu'il aduiseroit auant que presenter ladi&te enqueste a messieurs du Conseil.

Ledi& Bouzet ayant receu ledi& sac & enqueste l'auroit veue & en icelle taille & rongne & faict comme bon luy auroit semblé, puis l'auroit faict mettre au greffe du conseil par vn homme suppose, auquel il auroit faict prendre le nom de Iehan Bezat messager ordinaire d'Aagen: combien qu'il y ait plus d'un an que ledi& Bezat n'est venu a Paris comme ledi& demandeur a requis au conseil estre receu a informer & ce qu'il a offert faire en ceste ville de Paris dans vingt quatre heures & pour cest effect en auroit présenté requeste sur laquelle ledi& conseila mis neant.

Nottera le conseil sil luy plaist que par arrest donné le xvi. Septembre dernier, est ordonné que ladi&te enqueste obie&tiue sur le fait des reproches seroit faicte d'office. Et d'autant que ledi& du Bouzet auroit depuis présenté requeste au conseil pour faire ladi&te enqueste sur les lieux qui estoit pour paruenir a son intention. Et par arrest sur icelle donné le xxvij Ianuier aussi dernier est ordonné par

expres que ladicte enqueste sera faicte d'office & que ledict du Bouzet consigneroit ladicte somme devingt escus sur les lieux, neantmoins il a directement contreuenue ausdicts arrestz comme est dict cy dessus, & mesmes qu'il n'a assigné en façon que ce soit ladite somme. Ledit proces verbal ne le contient & moins ledict du Bouzet iustifie d'aucun acte que ladicte consignation ayt esté faicte, qui est vne grande defectuosité & contrauention ausdicts arrestz, & a paye les tesmoins a sa poste pour leur auoir faict dire plus qu'ils ne scauoient.

De la faction de laquelle enqueste ledict de Baradat a appellé aussi tost quelle est venue a sa congnoissance comme estant nulle, sur lequel appel lesdictes parties ont esté appointees a escrire & produire & ioinct au proces criminel pour y estre faict droict.

Outre lesquelles nullitez cy dessus specifiez ledict du Baradat a fourny d'abondant des reproches par escrit contre lesdicts tesmoins ouys en ladite enqueste obiectiue par la lecture desquelles reproches & iustificacions d'iceux, trouuerez qu'il n'y a vne seule deposition d'aucuns desdicts tesmoins qui peust estre entiere Quand bien ladicte enqueste seroit bien faicte (ce que non).

Ledit de Baradat iustifié par sa seconde production qu'il a faict signifier l'arrest du xvj. Septembre ausdicts tesmoins qui relient a confronter audict du Bouzet lesquels estoient tenus de comparoir au conseil vn mois apres la signification d'icelluy faict a personne ou domicile a peine de cent escuz d'amande chacun & de prison.

Iustifié aussi qu'il a faict informer des intimidations & subornations faictes ausdicts tesmoins tant par ledict du Bouzet son frere que ladicte de Caubios & sur lesquels ledict du Bouzet a esté interrogé.

Comme aussi l'un des troys tesmoins desnommez ausdict arrest du xvj. Septembre nommé Iehan Coste a esté confronté audict Bouzet.

Pareillement appert que ledit maistre Felix Coste tef-
moin, blessé de vnze coups despees s'estoit mis en che-
min, & sans l'emprisonnement fait & indisposition de sa
personne eust esté confronté, & à escrit à son fils comme
recite la lettre que ledit du Bouzet *Intercepit* par ses ar-
tifices accoustumées & de laquelle ledit de Baradat à eu
communication charge expres son fils de parler à Guitart
son Procureur, à fin de supplier le conseil luy donner delay
de se représenter au conseil & mesme qu'il persiste au con-
tenu des declarations qu'il luy a enuoyées.

Sçauoir que ledit Bouzet luy a promis payer tous ses des-
pens dommages & intersts affin qu'il ne vint au conseil
& a répondu de paier ensemble ladite de Caubiosa l'ap-
potiquaire pour les medicaments que ledit Coste auoit
pris pour guerir ses playes: ladite declaration est du cin-
quième de Feburier dernier faite iudiciairement par de-
uant le lieutenant criminel dudit Condom & est produite
avec deux autres attestations par ledit Guitard procureur
dudit Coste suyuant la communication que ledit Baradat
en a eue par ordonnance.

Remarquera le conseil que ledit du Bouzet a recouuré la
susedite lettre dudit Coste par intelligence & artifice cōme
il a fait les autres actes produits au proces, ou il faut que ce
soit vne susstraction qu'il aura faicte au porteur qui auoit
charge de la deliurer audit Coste fils. Qui merite d'estre
puny. Et a l'exēple de l'arrest donné par le cōseil sur pareilh
different pēdant au conseil 3. ans y a entre monsieur Rou-
chault Cōseiller au Parlemēt de Bordeaux demādeur cō-
tre vn nommé Morinat qui fust conuaincu & condamné
dudit larcin & susstraction d'un paquet prins sur la poste.

Et y a sept considerations tresurgentes pour lesquelles
ledit du Bouzet ne peut qu'il ne soit condamné outre les
autres preuues qui sont au proces.

L'vne que lesdits Marches & Coste n'ōt jamais accusé de
ces outrages a eux faits autre que ledit Bouzet: ce qu'ils

n'eussent obmisa faire fils eussét esté offécez par d'autres.

La seconde que deuant qu'il y eust iamais aucun decret contre ledit Bouzet pour ledit fait dudit Coste, ledit Bouzet se seroit luy mesmes ingeré se doutant qu'il seroit accusé: & auroit demandé & exigé dudit Coste vne declaration de son innocéce non encores chargée. *qua nimirum abundans cautela nocet L. pupillus §. Item ipse tutor ff. de auctoritate tutorum: & eo ipso quod se ingessit suspectus est L. que omnia §. nec ferendus ff. de procaratibus. Nam ex mala conscientia digna timere naturale est. Bart. in L. barbarius ff. de officio prætoris.*

La troisieme que en faisant celà ledict Bouzet à transigé: car il a payé l'apoticair qui à baillé les medicaments pour guerir les playes & à baille audict Coste pour son interest ciuil du bled & argent, & consequemment confessé le fait, *l. transigere & ibi bart. C. de transactionibus.* Et ceste transaction non pas de parole seulement: mais effectuee *interuenturi* par ce qu'il est verifié que ledict Bouzet & sadicte femme ont payé & se sont obligez volontairement pour faire ledict payement.

Mais ce n'est pas à dire que le demâdeur ne puisse pourfuyure l'offence qu'il en a receu luy mesme en ce qu'il n'a peu encores iusques icy & a grand peur qu'il ne puisse recouurer aucû tesmoins qui vueille dire la verité, de peur d'en auoir autant, voire pis que lesdits Marches & Coste. Et y en a lesquels quant on leur à parlé de deposer, ont respondu. *Ie n'oserois quia me vestigia terrent &c.* Et puis que lesdits Marches & Coste ont esté blesez estans personnes de charge publique & administrant iustice, a plus forte raison, que pourront auoir les autres tesmoins qu'il entend faire oyr au proces principal? C'est pourquoi ledit demandeur a esté contrainct attendu leur reffus de presenter requeste au conseil pour auoir monition del'Euesque de Comdom pour les faire exhorter. Consideré mesme tant les menasses que ledit Bouzet sadite femme & son frere ont faittes aux subiects de la terre & bourg dudit

Podenas fils deposoient aucune chose contre ledict Bouzet & sadicte femme. Que aussi le refus que tous les Conseillers du siege presidial dudiect Comdom & autres iuges des lieux, ont faict cy deuant voire les Huissiers & Serges d'exploiter l'arrest du conseil priué, auxquels estant mandé proceder sur peine de priuation de leurs offices & de tous despens dommages & interests, nonobstant oppositions appellations & recusatiōs quelconques à la cōfaction de l'équeste ainsi qu'il appert tant par la sentēce des requestes du Palais arrest dudiect conseil priué que desdits actes de sommation, qu'il falust faire faire par vn notaire, tant ausdits luges que aux Huissiers & Sergents, produits lesdits pieces, au second sac du proces criminel dudit demandeur.

La quatriesme en ce que les freres & autres parens & amis desdits Bouzet & la fēme se sont efforcez & efforcent d'empescher que les tesmoings ne deposassent & ne se representassent au recollement & confrontation. Comme il appert par la narration de l'acte de reuocation faite par ledit Coste, deuant ledit Seneschal de Condon, autre acte de declaration, que ledit Bouzet luy auoit fait faire auparauant, deuant vn Notaire produits au proces principal criminel. *Bald. In. l. vnic. n°. 8. C. si quacunque præditi potestate, &c. notar abbas In. C. constitutus extra de testibus quod est præsumptio cōtra accusatum si sui consanguinei testium depositionem impediunt.*

Le cinquieme, c'est que ledit Bouzet *malo more interceptit epistolas quæ de ista lite ad actorem scribebātur*, qui est vne espee de faux & condamné par les arrests du conseil.

Et pour le sixiesme iceluy demandeur auroit fait constituer prisonnier ledit du Bouzet pour cinquante escus par Guillet Huissier au conseil, ainsi qu'il l'amenoit, & estant dans la ruë, luy auroit donné vn coup de poing sur l'estomach, & auroit quitté ses mules & manteau, & s'en seroit fuy au trauers des bouës, chose indigne à vn gētilhomme.

Et pour la septiesme depuis ledit du Bouzet auroit esté repris prisonnier par sept Sergens du Chastelet de Paris, pour raisõ de la mesme sõme. Et ausquels aussi tost qu'il auroit esté eslargy estant detenu prisonnier pour le criminel, seroit allé à la barriere des Sergés du pont saint Michel, leur disant & menassant de leur couper les iarrets auant qu'il s'en allast de ceste ville, & autres excez ausdits Sergés faicts. Dont informatiõs ont esté faites par Bodin Hussier audit cõseil, en vertu de l'arrest dudit conseil, qui est monstrier de la continuelle temerité dudit Bouzet, qui n'est question seulement d'un chef mais de cinq, lesdites informations sont dans vn sac appart avec ledit proces criminel, & encore que pour ce chef lesdites parties ayants esté mis hors de cours & procez pour lesdites excez. Neantmoins pourront iuger ses façons de faire : car s'il estoit exempt de punition des crimes qu'il à faicts & cõtre luy iustifices, se seroit le mettre en vn chemin pour en faire pis à l'aduenir, voire contre l'execution de vos arrests au cas que le conseil adiuge par cy apres comme le demandeur espere le droit qui luy appartient en ladite terre & seigneurie de Podenas.

Ioinct que des l'annee mil cinq cens soixante & quinze ledit du Bouzet à esté condamné de crime capital, & par sentence de monsieur le grãd Preuost de l'hostel du Roy, à vuider tant la ville de Paris que suite de la Court, dedãs vingt quatre heures, sur peine de punition corporelle, & encor ladite sentence fust donnee sur le consentement de madame la princesse de Condé, qui consentit l'essargiement de la personne, ainsi qu'il appert tãt de la procedure que ladite sentence sur icelle interuenue estant en vn sac à part.

Partant soustient le demandeur, que ledit Bouzet & Caubios sa femme doiuent estre punis, & pour le crime & encores en consequence de ce debourez du droit par eux pretendu au Ciuil, suiuant le droit Romain & les ordonnances.

*Sentence en grand
preuost de l'hostel du
Bouzet*

